

23 november

EM2009/121

**Siunnersuut uunga: Nunaoil A/S pillugu Inatsisartut inatsisaat nr. xx, uu. qqqq  
2009-meersoq-mut**

**allannguutissatut siunnersuut**

**Naalakkersuisunit aappassaaneerinninnissamut saqqummiunneqartoq**

**pillugu**

**Inuussutissarsiornermut Ataatsimiititaliap**

**ILASSUTITUT ISUMALIUTISSIISSUTAA**

**Allannguutissatut siunnersuutip aappassaaneerpeqarneranut  
saqqummiunneqartoq**

Inuussutissarsiornermut Ataatsimiititaliaq suliarinninnermini ukuningga  
ilaasortaqqarpoq:

Inatsisartunut ilaasortaq Aqqaluaq Egede, siulittaasoq, Inuit Ataqtigiit  
Inatsisartunut ilaasortaq Niels Thomsen, siulittaasup tullia, Demokraatit  
Inatsisartunut ilaasortaq Naaja Nathanielsen, Inuit Ataqtigiit  
Inatsisartunut ilaasortaq Siverth K. Heilmann, Atassut  
Inatsisartunut ilaasortaq Per Berthelsen, Siumut

**Ataatsimiititaliap siunnersuummi suliarinninnera**

Ataatsimiititaliap ulloq 23. november ataatsimiinnermini siunnersuut nassuiaatitaalu  
misissuataarpai. Ataatsimiititaliami amerlanerussuteqartut Naalakkersuisut  
allannguutissatut siunnersuutaat ilalersinnaavai. Taamaalillunilu aamma

inassuteqaatini nammineq allannguutissatut siunnersuutimi itigartinneqarnissaat ataatsimiititaliap inassutigisariaqassavaa.

### **Ataatsimiititaliap inassuteqaatai**

Ataatsimiititaliami amerlanerussuteqartut Inuit Ataqatigiit, Demokraatit Atassutillu sinniisaasa Inuussutissarsiornermut Ataatsimiititaliap allannguutissatut siunnersuutaasa itigartinneqarnissaat inassutigaa.

Demokraatilli sinniisaata pissutissaqarsoraa oqaatigissallugu allannguutissatut siunnersuteqarnerminnut Naalakkersuisut naalakkersuinikkut siunertaat tamakkiisumik paasinnginnamiuk. Sinniisuutitaq aallaavittut isumaqarpoq Nunaoil A/S eqqarsaatigalugu siulersuisunut ilaasortaasartussanut pisortaasartussanullu taamatullu aamma ingerlatsineq pillugu Inatsisartut malinnaatinneqarsinnaanerannut piumasaaqatit sakkortusinernissaannik Inuussutissarsiornermut Ataatsimiititaliap kissaatai tunngavissaqarlutillu naapertuukkaluartut.

Ataatsimiititaliami amerlanerussuteqartut Inuit Ataqatigiit, Demokraatit Atassutillu sinniisaasa Naalakkersuisut allannguutissatut siunnersuutaasa akuerineqarnissaat inassutigaa.

Ataatsimiititaliami ikinnerussuteqartut Siumup sinniisaatitaata Naalakkersuisut allannguutissatut siunnersuutaasa itigartinneqarnissaat inassutigaa. Taamaattumik aamma ikinnerussuteqartut Inuussutissarsiornermut Ataatsimiititaliap allannguutissatut siunnersuutaasa akuerineqarnissaat inassutigaa.

Ikinnerussuteqartut Naalakkersuisut allannguutissatut siunnersuutaat pillugu oqaatigissavaat isumaqaramik siulersuisut pisortallu akissarsiaqartinneqarnerat pillugu innuttaasut paasisaqarsinnaanissaata peerneqarnissaanik Naalakkersuisut kissaateqarnerat tunngavilersugaanngitsoq. Namminersorlutik Oqartussat ingerlatseqatigiiffiutaasa aqunneqarnerisa ammanerusumik paasiuminarnerusumillu ingerlanneqarnissaat Siumup siuarsarusuppaa.

Taamatut oqaaseqarluni siunnersuummillu siuliani nalunaarneqartutut paasinnilluni Inuussutissarsiornermut Ataatsimiititaliap siunnersuut aappassaaniigassanngortippaa.

Siulittaasoq